

四庫全書

集部

欽定四庫全書

集部

御選歷代詩餘卷五十六

詳校官中書_臣潘有為

侍讀_臣孫球覆勘

總校官進士_臣朱 鈐

校對官學政_臣翁樹棠

謄錄監生_臣馬世昌

欽定四庫全書

御選歷代詩餘卷五十六目錄

九十
三字

滿江紅

下

劉儼

二首

岳珂

王千秋

二首

劉圻父

陸游

二首

劉過

楊炎
二首

黃機
二首

戴復古

毛幵
二首

洪咨夔

郭應祥

盧祖皋

高觀國

史達祖
二首

韓淲

汪莘
二首

吳潛
二首

李昴英

方岳
二首

盧炳

吳文英二首

蔣捷

陳允平

周密

張炎二首

石孝友

湯恢

陳策

林正大 三首

汪元量

何夢桂 二首

韓玉

段克已

元好問 三首

李俊民 四首

許衡

張弘範

蕭允之

黃子行

薩都拉

張翥

張埜

張半湖

張雨

吳子孝

楊慎

文徵明

施紹莘

錢繼章

俞彥

王彥泓

錢光繡

于玉班

葉紉紉

吳肱

御選歷代詩餘卷五十六目錄

欽定四庫全書

選歷代詩餘卷五十六

九十
三字

司經局洗馬掌局事兼翰林院修撰加二級臣王奕清奉

校刊

滿江紅

下

滿江紅

題快
閣

劉儼

快閣東西鷗邊問晚晴可喜鷗解語既盟之後兩翁曾
倚笛弄慣聽黃魯直履聲深識徐淵子添我來相對兩

忘機真相似 也不種閒桃李也不翫佳山水有新詩
字字愛民而已一片心閒秋月外三年人在春風裏漲
一篙江水送歸鴻明朝是

前調 春曉

劉 儼

著意留春留不住春歸難戀最苦是梅天煙雨麥秋庭
院嫩竹濃陰鶯出谷柔桑採盡蠶成繭奈沈腰寬盡有
誰知難消遣 幽閣恨雙眉斂香牋寄飛鴻遠向風簾
羞見一雙歸燕翠被閒將情做夢青樓賺得恩成怨對

尊前莫惜喚瓊姬持杯勸

前調

岳珂

小院深深悄鎮日陰晴無據春未足閨愁難寄琴心誰
與曲徑穿花尋蛺蝶虛闌傍日教鸚鵡笑十三楊柳女
兒腰東風舞雲外月風前絮情與恨長如許想綺牕
今夜與誰凝竚洛浦夢回留佩客秦樓聲斷吹簫侶正
黃昏時候杏花寒廉纖雨

前調

王千秋

樓壓層城斜陽斂帆收南浦最好是長江澄練遠山新
雨半晌留連邀皓月一堂高敞祛隆暑問從來佳賞有
誰同應難數 舟橫渡車填路催酒進麾燈去放姮娥
照座不須簾阻已見天清無屏翳更須湖上喧闐鼓看
波光撩亂上檣竿龍蛇舞

前調

王千秋

水滿方塘三日雨曉來方足闌干外錦棚初脫新篁森
玉沃葉未乾鳩婦去餘花時墜蜂兒逐認去年乳燕又

雙雙飛華屋 紅豆恨歸誰促青鸞夢驚難續想多情
猶記碧牋新曲白髮欺人雖已老短襟搵黛存餘馥且
如今一笑總休論杯行速

前調

風泉峽
觀泉

劉圻父

雲壑飛泉蒲根下懸流陸續堪愛處石池湛湛一方寒
玉暑際直當磐石坐渴來自引懸瓢掬聽泠泠清響瀉
淙琤勝絲竹 寒照膽消炎燠清徹骨無塵俗笑幽人
忻翫滯留空谷靜坐時看松鼠飲醉眠不礙山禽浴喚

仙人伴我酌瓊瑤餐秋菊

前調

陸游

危堞朱闌登覽處一江秋色人正似征鴻社燕幾番輕
別繾綣難忘當日語淒涼又作他鄉客問鬢邊都有幾
多絲真堪織楊柳院秋千陌無限事成虛擲如今何
處也夢魂難覓金鴨微溫香縹緲錦茵初展情蕭瑟料
也應紅淚伴秋霖燈前滴

前調

夔州催王
侍御尋梅

陸游

疎蕊幽香禁不過晚寒愁絕那更是巴東江上楚山千
疊敲帽閒尋西瀼路彈鞭笑向南枝說恐使君歸去上
鑾坡孤風月清鏡裏悲華髮山驛外溪橋側悽然回
首處鳳凰城闕顚顚如今誰領略飄零已是無顏色
行廚何日喚賓僚猶堪折

前調

同襄陽
帥遊湖

劉過

獵獵風蒲畫船轉碧波灣浦都不是柳汀桃岸橘洲梅
渚指點山公騎馬地經由羊祜登山處悄一如人在水

晶宮消袞暑 薰風動簾帷舉秦箏奏凌波舞擣冰壺
沈醉晚涼歸去侵岸一篙楊柳浪過雲幾點荷花雨倚
樓人十里凭闌干神仙侶

前調

楊炎

筆染相思暗題盡朱門白壁動離思春生遠岸煙消殘
日楊柳結成羅帶恨海棠染就胭脂色想深情幽怨繡
屏間雙鷗鷺春水綠春山碧花有恨酒無力對一匳
秋思九分孤寂寸寸錦腸渾欲斷盈盈玉淚應偷滴倩

東風吹鴈過江南傳消息

前調

楊炎

典盡春衣也應是京華倦客都不記麴塵香霧西湖南
陌兒女別時和淚拜牽衣曾問歸時節到歸來青子已
成陰空頭白功名事雲霄隔英雄伴東南拆對雞豚
社酒依然鄉國三徑不成陶令隱一區未有揚雄宅問
漁樵學作老生涯從今日

前調

黃機

逐鼓聲中又妝點千紅萬綠春試手銀花影粲雪梅香
馥歸夢不知家遠近飛帆正挂天南北記年時歌舞綺
羅叢憑誰續煙水迴雲山簇勞悵望傷追琢把蛛絲
鵲喜意中占卜月正圓時羞獨照夜偏長處憐孤宿悔
從前輕被利名牽征塵撲

前調

黃機

雲暗山昏西風撼一天悲雨隱君問短牆修竹故園何
處九月江南無鴈到素書封了誰傳與待從頭揀却把

心寬還如故 吳姬唱燕姬舞持玉竿溫瓊醕悵人生
歡會一年幾許莫上小樓高處望樓前詰曲來時路便
直須匹馬兩蒼頭東歸去

前調

赤壁懷古

戴復古

赤壁磯頭一番過一番懷古想當時周郎年少氣吞區
宇萬騎臨江貌虎噪千艘烈焰魚龍怒卷長波一鼓困
曹瞞今如許 江上渡江邊路形勝地興亡處覽遺蹤
勝讀史書言語幾度東風吹世換千年往事隨潮去問

道旁楊柳為誰春
搖金縷

前調

懷家
山作

毛 升

回首吾廬思歸去
石谿樵谷臨翫有門前流水亂松疎
竹幽草春餘荒井徑鳴禽日在窺牆屋
但等閒憑几看南山雲相逐
家釀美招鄰曲朝飯飽隨畊牧
况東臯二頃歲時都足麟閣功名身
外事牆陰不駐流光促
更休論一枕夢中驚黃梁熟

前調

毛 升

潑火初收秋千外輕煙漠漠春漸遠綠楊芳草燕飛池
閣已著單衣寒食後夜來還是東風惡對空山寂寂杜
鵑啼梨花落傷別恨閒情作十載事驚如昨向花前
月下共誰行樂飛蓋低迷南苑路湔裙悵望東城約但
老來憔悴惜春心年年覺

前調

洪咨夔

送雨迎晴花事過一庭芳草簾影動歸來雙燕似悲還
笑笑我不知人意變悲人空為韶華老滿天涯都是別

離愁無人埽 海棠晚荼蘼早飛絮急青梅小把風流
醞藉向誰傾倒秋水盈盈魂夢遠春雲漠漠音期悄最
關情鶉鴉一聲催曉紗曉

前調

郭應祥

節物匆匆又還見濃春入眼那更是曉風初扇宿雲都
捲蝶舞已便花蕊亂燕歸仍悵香泥煖又何須女手學
春工并刀翦 歡樂事郊垌徧遊賞處輪蹄遠聽誰家
絃管日開華宴有客攜毫多麗句慙予拆鞬無長線問

新來詩酒頓然疎，怎消遣。

前調

齊雲月酌

盧祖皋

樓倚晴空，炎雲淨，晚來風力滄海外。等閒吹上滿輪寒。
壁河漢低垂，天欲近，乾坤浩蕩秋無極。凭闌干，衣袂拂
青冥，知何夕。登眺地，追疇昔。吳越事，皆陳迹。對清光
祇有醉吟，消得萬古悠悠。惟月在，浮生滾滾空頭白。
自騎鯨仙去，有誰知，遙相憶。

前調

高觀國

擊碎空明滄浪晚棹歌飛入西山外紫霞吹斷赤塵無
迹湧上冰輪涼世界喚回天籟清肌骨看驪珠影墮冷
光斜蛟龍窟長嘯外綸巾側輕露下纖絺濕聽洞簫
聲在卧虬陰北千萬江妃留醉夢二三沙鳥驚吟魄任
天河落盡玉杯空東方白

前調

中秋
夜湖

史達祖

萬水歸陰故潮信盈虛因月偏只到涼秋半破闕成雙
絕有物揩磨金鏡淨何人拏攫銀河決想子胥今夜見

嫦娥洗冤雪 光直下蛟龍穴聲直上蟾蜍窟對望中
天地洞然如刷激氣已能驅粉黛舉杯便可吞吳越待
明朝說與似兒曹心應折

前調

書懷

史達祖

好領青衫全不向詩書中得還也費區區造物許多心
力未暇買田清潁尾尚須索米長安陌有當時黃卷滿
前頭多慙德 思往事嗟兒劇憐牛後懷雞肋奈稜稜
虎豹九重關隔三徑就荒秋自好一錢不直貧相逼對

黃花常待不吟詩詩成癖

前調

和趙公明

韓流

五老峰前九江上曾生仙客相邂逅貴池亭下定交金
石我輩風流宜嘯詠官曹塵冗徒煎逼且簿書叢裏舉
清觴偷閒日 同一笑當今夕梅正好香浮白便相忘
爾汝醉中沾濕已向瓊林誇意態似聞金殿傳消息想
君今歸去際風雲應相憶

前調

汪莘

唐宋諸公誰道得梅花親切到和靖先生詩出古人俱
拙寫照乍分清淺水傳神初付黃昏月儘後來作者鬪
尖新仍重疊離不得春和臘少不得煙和雪更茅檐
低亞竹籬輕折何事西鄰春得入還如東閣人傷別總
輸他樹下作僧來離言說

前調

不敢賦梅
賦感梅

汪莘

洞府瑤池都是見桃紅滿地君試問江梅清絕因何拋
棄仙境常如三二月此宵不受春風醉被販兒俚婦折

來看添憔悴 泛雪艇搖冰泮溪館靜村扉閉須初寒
徹骨清香透鼻孤竹赤松真我友姚黃魏紫非吾契笑
方壺日日繞南枝猶多事

前調

滕王閣

吳潛

萬里西風吹我上滕王高閣正檻外楚山雲漲楚江濤
作何處征帆雲杪去有時野鳥沙邊落近簾鉤暮雨掩
空來今猶昨 秋漸緊添離索天正遠傷漂泊歎十年
心事休休莫莫木葉無多秋漸老江湖滿地愁難著向

黃昏斷送客魂消城頭角

前調

金陵烏衣園

吳潛

柳帶榆錢又還過清明寒食天一笑滿園羅綺滿城簫
笛花柳得晴紅欲染遠山過雨青如滴問江南池館有
誰來江南客烏衣巷今猶昔烏衣事今難覓但年年
燕子晚煙斜日抖擻一春塵土債悲涼萬古繁華迹且
芳尊隨分趁芳時休虛擲

前調

和劉朔齋漢節亭韻

李昴英

人似梅花峭玉立歲寒風節新圓闌種梅千樹幻成南
雪池碎瀑聲荷捧雨徑涵秋影篁篩月喚石君錯落坐
庭前紅塵絕嫌聒耳秦箏戛慵著眼俳優狎但一觴
一詠放懷開闊涌地池亭工掩映擎天柱石覘施設待
枝頭金顆可調羹休輕折

前調

生朝

方岳

說與梅花且莫道今年無雪君不見秋崖鬢底莖莖騷
屑筆硯只催人老大湖山不了詩愁絕問筇筇何事下

磯來拋雲月 重省起西山
笏終負却東山屐把草堂
借與鷺眠鷗歇烏帽久閒
蒼蘚石青衫今作枯荷葉
笑人間萬事竟何如從吾拙

前調

和程學諭

方岳

蒼石橫筇松風外自調龜息
渾不記東皋秋事西湖春色
底處未嫌吾輩在此心說與
何人得向海棠爛醉過清明
酬佳節 君莫道江鱸憶吾自
愛山泉激儘月明夜半杜鵑
聲急人事略如春夢過年光
不啻驚弦發怕

醒來失口問諸公今何日

前調

送趙李行
赴金壇

盧炳

積雨連宵添新漲一篙春碧寒猶在東風料峭柳絲無力
繫惹畫船都不住從教蘭棹雙飛急泛大江東去欲
何之瓜期逼龍種裔神仙伯金閨彥文章客算河陽
花縣恁生留得製錦才高書最善鳴琴化洽人懽懽想
未容坐暖詔歸來君王側

前調

劉朔齋賦
菊和韻

吳文英

露浥初英蚤遺恨參差九日還却笑萸隨節改桂彫無
色杯面寒香蜂共泛籬根秋信蚤催織愛玲瓏篩月水
屏風千枝結芳井韻寒泉咽霜著處微紅濕共評花
索句看誰先得好漉烏巾連夜醉莫愁金鈿無人拾算
遺蹤猶有枕囊留相思物

前調

吳文英

翠幙深庭露紅晚閒花自發春不斷亭臺成趣翠陰蒙
密紫燕雛飛簾額靜金鱗影轉池心闊有花香竹色賦

閒情供吟筆 閒問字評風月時
載酒調冰雪似初秋
入夜淺涼欺萬人境不教車馬近
醉鄉莫放笙歌歇倩
雙成一曲紫雲迴紅蓮折

前調

蔣捷

秋本無愁奈客裏秋偏岑寂身老大
懽敲秦缶嬾攜陶
甕萬悞曾因踈處起一間且向貧中
覓笑新來多事是
征鴻聲嘹唳 雙戶掩孤燈剔書束
架琴懸壁算人間
無此小牕幽闕浪遠惟聽葭葉響雨
殘細數梧桐梢滴正

依稀夢到故人來誰橫笛

前調

陳允平

目斷江橫相思字難憑鴈足從別後倦歌慵繡悄無拘
束煙柳翠迷星眼恨露桃紅沁霞腮肉傍瑣牕終日對
文枰翻碁局頻暗把歸期卜芳草恨闌干曲謝多情
海燕伴愁華屋明月自圓雙蜨夢綵雲空伴孤鸞宿任
畫簾不捲玉鉤閒楊花撲

前調

周密

秋水涓涓情渺渺美人何許還記得東峰松桂對牀風
雨流水桃花西塞隱茂林修竹蘭亭路二十年歷歷舊
經行空懷古 評硯品臨書譜箋畫史修茶具喜一愚
天稟一閒天付百戰征求千里馬十年餽飭三都賦問
何如石鼎約彌明同聯句

前調

已酉
春日

張炎

老子今年多准備吟箋賦筆還自喜錦囊添富頗非疇
昔書冊琴碁清隊仗雲山水竹閒蹤跡任醉筇遊屐過

平生千年客 回首夢東隅
失乘興去桑榆得且怡然
一笑探梅消息 天下神仙何處有
神仙只向人間覓折
梅花橫掛酒壺歸白鷗識

前調

張炎

江上相逢更秉燭 渾疑夢裏寂寞久
琴絃塵斷為君重
理紫綬金章都莫問 醉中聊送挪揄鬼
看滿頭白雪恐
難消春風起 雲一片身千里
漂泊地東西水算十年
不見我生能幾慷慨悲歌
驚淚落古人未必皆如此想

今人愁似古人多如何是

前調

石孝友

鴈陣驚寒故喚起離愁萬斛因追念鏡鸞易破鳳絃難
續詩句已憑紅葉去夢魂未斷黃梁熟歎浪萍風梗又
天涯成幽獨歸來引相思曲塵滿把淚盈掬對長天
遠水落霞孤鶩立盡西風無好意遙山也學雙眉蹙恨
草根不逐鬢根摧秋還綠

前調

湯恢

小院無人正梅粉一階狼籍疎雨過溶溶天氣早如寒
食啼鳥驚回芳草夢峭風吹淺桃花色漫玉鑪沈水熨
春衫花痕碧 綠縠水紅香陌紫桂櫂黃金勒悵前歡
如夢後遊何日酒醒香消人自瘦天空海濶春無極又
一林新月照黃昏梨花白

前調

楊花

陳策

倦繡人間恨春去淺顰輕掠章臺路雪粘飛燕帶片穿
幙委地身如遊子倦隨風命似佳人薄歎此花飛後更

無花情懷惡 心下事誰堪託
憐老大傷漂泊把前回
離恨暗中描摸又趁扁舟低欲去
可憐世事今非昨看
等閒飛過女牆東千秋索

前調

括山谷聽宋宗儒摘阮歌

林正大

落魄高人擽百萬青銅一醉揮素手
朱繩一抹四筵驚
起催織寒蟲秋弄月叫羣獨鴈天
浮水更黃鸝紫燕對
春風爭繁脆 悲楚國霸臣意憐漢女
逾千里似深閨
恩怨共相汝爾我有江南丘壑趣
此絃能道心中事要

曲肱時聽寫松風雲牕裏

前調

括廬全
有所思

林正大

為憶當時沈醉裏青樓弄月閒想像繡幃珠箔魂飛心
折羞向姮娥談舊事幾經三五盈還缺望翠眉蟬鬢一
天涯傷離別尋昨夢巫雲結流別淚湘江咽對花深
兩岸忽添悲切試與含愁彈綠綺知音不遇絃空絕忽
牕前一夜寄相思梅花發

前調

括東坡
海棠

林正大

寂寞江城擗只共梅花幽獨揩病眼佳人何許嫣然空
谷幻出天姿真富貴朱脣殢酒紅生肉笑漫山繁李與
天桃俱麤俗 遲日麗春睡足明月照尤清淑算移根
千里遠從西蜀流落天涯應可念為渠劇飲仍歌曲怕
明朝酒醒落紛紛那容觸

前調

吳江
秋夜

汪元量

一箇蘭舟雙桂槳順流東去但滿目銀光萬頃淒其風
露漁火已歸鴻鴈汊擢歌更在鴛鴦浦漸夜深蘆葉冷

颼颼臨平路 吹鐵笛鳴金鼓
絲玉鱸傾香醕且浩歌
痛飲藕花深處秋水長天迷遠望
曉風殘月空凝竚問
人間今夕是何年清如許

前調

何夢桂

春色三分怎禁得幾番風日又早見
亭臺綠水柳搖金色滿眼春愁無著處
知心惟有幽禽識望春山目斷夕
陽邊孤雲隔 琴酒我成三一湖外舫
山頭屐且莫教
春去亂紅堆積記得年時陪宴賞
重門深處桃花碧待

修書欲寄楚天遙無行客

前調

和王偉翁上巳

何夢桂

睡起紗牕問春信幾番風候待去做踏青鞦履嬾拈纖
手座滿翠微低匊葉離愁推去來還又把菱花獨對淚
闌干羞蓬首回鸞字空懷袖金縷曲無心奏記碧桃
花下夜參橫斗六幅羅裙香凝處痕痕都是尊前酒到
如今腸斷怕回頭長門柳

前調

重九

韓玉

正欲登臨何處好登臨眺望君約我今朝攜酒古臺同
上風靜秋郊渾似洗碧空澹覆玻璃盎夕照外渺渺萬
遙山開青嶂龍山事空追想風流會今安往我勸君
一醺為君高唱今日謀歡真雅勝休辭痛飲葡萄釀縱
黃花明日未凋零非佳賞

前調

登河中
鵲雀樓

段克已

古堞憑空煙霏外危樓高矗人道是宇文遺址至今相
續夢斷繁華無覓處朱甍碧甃空陳迹問長河都不管

興衰東流急 儂本是乘槎客因一念仙凡隔向人間
頻仰已成今昔條華橫陳供望眼水天上下涵空碧對
西風舞袖障飛鴻滄溟窄

前調

元好問

天上飛鳥問誰遣東生西沒明鏡裏朝為青鬢暮為華
髮弱水蓬萊三萬里夢魂不到金銀闕更幾人能有謝
家山飛仙骨 山鳥弄林花發玉杯冷秋雲滑彭殤同
一醉不爭毫末鞭石何年滄海過三山只是尊中物暫

放教老子據胡牀邀明月

前調

元好問

枕上吳山隱隱見宮眉修碧人好在斷腸渾似畫圖相
識羅韞塵香來有信玉簫聲遠尋無跡恨不將春色醉
仙桃迷芳席 嬋娟月韶華日夢已盡愁仍積共江花
江草幾時終極錦樹吹殘蝴蝶老冰綃翦破鴛鴦隻判
楚雲湘雨一生休休相憶

前調

元好問

一枕餘醒厭厭共相思無力人語定小牕風雨暮寒岑
寂繡被留歡香未減錦書封淚紅猶濕問寸腸能著幾
多愁朝還夕春草遠春江碧雲黯淡花狼籍更柳絲
閒颺柳絲難織入夢終疑神女賦寫情除有文通筆恨
伯勞東去燕西飛空相憶

前調

孟州長馮
巨川誕日

李俊民

解慍風來天氣爽綠楊庭院多少話暫都分付畫梁雙
燕明月欲隨人意滿十分未慍姮娥願但一年一度壽

觴時身長健 玲瓏曲低低唱玻璃盞深深勸但春紅
吹上桃花人面簪屐盡居彈缺下煙嵐休恨平嵩遠待
試看南極老人星今朝見

前調

和張文玘

李俊民

宿酒纔醒聽喚起一聲春曉無限恨滿城風絮一川煙
草年少拋人容易去萬紅千紫都開了試但教頭上插
花枝花應笑 狂言在人絕倒狂藥盡愁難埽待叮嚀
囑付再來青鳥團扇不堪題往事斷絃惟恨知音少但

時時頻把鏡來看人將老

前調

李孝先壽

李俊民

小雨初晴風搖蕩綠陰清晝見說道長庚復向人間鍾
秀又對上番成竹笋能忘贈別垂條柳看將來三五月
圓時人如舊浮世事君知否春夢斷空回首笑平生
豪邁氣冲牛斗幽鳥自歌無譜曲飛花故送長生酒待
騎鯨海上再相逢為君壽

前調

詠雪

李俊民

漠漠愁陰銀界曉皓然一色誰翦水就中撩亂燕山如
席天若有情天也老高山底事頭先白甚教人錯恨五
更風花狼籍寒欲退劉叉筆深欲沒韋郎膝問何如
江上孤舟蓑笠不見過門多惡客等閒踏破瓊瑤迹便
簷豪下馬坐人牀尋歡伯

前調

別大名
親舊

許衡

河上徘徊未分袂孤懷先怯中年後此般憔悴怎禁離
別淚苦滴成襟畔濕愁多擁就心頭結倚東風搔首謾

無聊情難說 黃卷在消白日青鏡裏增華髮念歲寒
交友故山煙月虛負人生歸去好誰知美事難雙得計
從今佳會幾何時長相憶

前調

張弘範

奔驛南來擁貔貅直趨江右良自媿劣才微渺聖恩洪
厚萬里長江今我得百年堅壁非他守看虎牙飛上萬
山頭誅羣醜 風雨夢鄉關友南北事君知否寄一緘
梅信小春時候夜靜戟門嚴鼓角月明蓮幕閒詩酒怕

故人相憶問歸期平蠻後

前調

蕭允之

冷逼疎簾渾不似今春寂寞風雨橫賞心歡事總如雲
薄柳眼花鬢空點綴鶯情蝶思應蕭索但遶庭流水碧
潺潺車音邈懷往事孤素約酒未飲愁先覺甚中年
滋味共誰商略芳草易添閒客恨垂楊難繫行人脚謾
幾回吟徧夕陽紅闌干角

前調

歸自湖南
題富春館

黃子行

津鼓匆匆猶記得故人相送春江上鳥啼花影馬嘶香
鞚情逐陽關金縷斷淚和楊柳春絲重算別來幾度月
明時相思夢山萬疊愁眉聳春一點歸心動問風傳
月侶有誰遊從百里家山明日到一尊芳酒今宵共任
樓頭吹盡五更風梅花弄

前調

薩都拉

六代繁華春去也更無消息空悵望山川形勝已非疇
昔王謝堂前雙燕子烏衣巷口曾相識聽夜深寂寞打

空城春潮急 思往事愁如織懷故國空陳迹但荒煙
衰草亂鴉斜日玉樹歌殘秋露冷鰼脂井壞寒蟬泣到
如今惟有蔣山青秦淮碧

前調

錢舜舉桃
花折枝

張翥

前度劉郎重來到玄都燕麥回首地暗香銷盡暮雲低
碧啼鳥猶知人悵望東風不管花狼籍又淒淒紅雨夕
陽中空相憶 繁華夢渾無迹丹青筆還留得恍一枝
長見故園春色塵世事多吾欲避武陵路遠誰能覓但

有山可隱便須歸栽桃客

前調

張堃

風雨瀟瀟便釀出新涼庭院人乍起一簪秋葉不堪裁
翦翠幄漸彫槐影瘦紅衣半老蕖香淺到秋來何止沈
休文難消遣鴻鴈杳音塵斷空極目煙波滿想故人
此際畫闌憑徧別久幾將情做夢歸遲一向恩成怨對
西風無語黯消魂行雲遠

前調

張半湖

新綠池塘一兩點荷花微雨人正靜桐陰竹影半侵庭
戶欹枕未圓蝴蝶夢隔牕時聽幽禽語捲紗幃隨意理
琴絲黃金縷 鮫綃扇輕輕舉龍涎餅微微炷向水晶
宮裏坐消袪暑剥啄微敲棋子響鶯兒林裏驚飛去最
好是活水淪新茶醒春醕

前調

玉簪花

張雨

玉導纖長頓化作雲英香英風弄影綠鬟撩亂搔頭斜
插璞小還思釵燕竝叢幽略比蕉心狹看柔鬚點綴半

開時微烘蠟 冰筋瘦瓊林滑芳徑底誰偷掐怕夜涼
消得錦圍紅匝鶯管不禁仙露重蜂脾勝借清香發待
使君絕妙好詞成須彈壓

前調

尋梅
未開

吳子孝

日日輕寒都勒住江南春色無可奈風力顛狂雨絲霏
霰淑氣縱生冰底暖韶光未見枝頭溢問水邊何處有
梅花渾無跡 山霧重村煙積日影淡鶯聲澀幽香和
嫩蕊凍葩難拆身老不嫌妍景晚鬢衰已先瓊葩白待

晴和載酒賞芳菲窮南陌

前調

梨花

楊慎

露重風香韶華淺
玉林無葉誰翦碎
徧地瓊瑤滿園蝴蝶嬌
淚一枝春帶雨粉英千片
光凝雪伴秋千影裏月
明中傷離別
花在手腸如結
人對酒情難說
憶故園遊賞
清明時節今日相逢
滇海上驚看爛漫開正月
更收燈
庭院峭寒天啼鵲歇

前調

文徵明

漠漠輕陰正梅子弄黃時節最惱是欲晴還雨乍寒又
熱燕子梨花都過也小樓無奈傷春別傍闌干欲語更
沈吟終難說一點點楊花雪一片片榆錢英漸西垣
日隱晚涼清絕池面盈盈清淺水柳梢淡淡黃昏月是
何人吹徹玉參差情悽切

前調

施紹莘

雨飯風衣已冬殘猶是行客雲水暗晚風剛順晚潮尤
逆樹裏漁家遮又出天南煙火斜還直看橋頭水鶴立

如人蒹葭白 窮鄉路轉荒僻幾十里無人跡但亂鴉
枯樹慘吾行色惡浪幾堆驚櫓失前山一片當船黑歎
年來南北與東西身如織

前調 七夕

錢繼章

一士蕭涼陳箎簾小庭閒坐良宵靜與排瓜果柳州餘
課兒訝銀河無一帶客占喜宿剛雙箇道年年此際訂
佳期空傳播 霓佩怯罡輪簸雲裳冷昏參度怕廣寒
孤枕有人相妒天上自無情債滿人間不免風流過歎

獨攜憔悴庾樓來誰酬和

前調

東河道中

俞彥

荏苒征途馬首外黃埃飛滅漸初夏麥含西隴草薰南
陌平楚淡煙迷去驚亂山落照聞啼鴉正玉驄飄泊未
歸來心慵怯名與利多生劫勞和恨他生業怕鏡中
不似去家時節殘月一鞭鄉夢斷暮雲千里音書歇想
故園莫道不曾愁愁今絕

前調

王彥泓

眼角眉端誰道是便成拋散怕向那定情簾下訴愁牕
畔幾度卸裝垂手望無端夢覺低聲喚猛思量此際正
天涯啼珠濺欲寄語加餐飯難囑付憑魚鴈隔雲山
牽挽寸心如線善病每逢春月卧長愁多向花前歎況
如今憔悴已難堪何曾慣

前調

贈別
畫史

錢光繡

幾幅生綃都染出吳山楚水還記得巫霜萬疊溼雲千
里小艇疾飛江左右芒屨踏遍天頭尾想而今握管尚

依然拈來是 酒到手杯如洗錢在握囊無寄算祇餘
白髮數莖而已適興渾忘交雅俗浩歌不解音商徵道
黯然此別便銷魂庸人耳

前調

于玉班

絕勝西園管領取四時春色消受了半榻雲山一簾風
月鳥弄清聲傾耳細酒行紅袖傳杯急問高歌座上最
誰多江南客 燈再翦壺頻滴言欲盡情偏切怪天涯
同調非琴非瑟蘭室止緣蘭誼暖青衫肯為青樓匹待

話殘今夜月西傾東方白

前調

明媛
葉紈紈

秋色澄清煙光淨碧天寥廓正此際荒涼滿眼歲華搖
落鏡裏流光私自惜瑤臺無路愁難託奈新來秋鬢不
勝愁渾蕭索問何處堪棲泊想蕙帳悲猿鶴更疎籬
叢菊草堂風籜無那都成虛負了塵勞客夢何時却被
西風消息暗驚心空思著

前調

夏景

明媛
吳朏

雨抹荷池添豔了，鬧紅稠綠更帶著牽魚藻鑑浮波鳧。
玉榴火辭枝，焚碧蘚蟬聲送遠，翻新曲向幽軒一枕夢。
驚回風敲竹，絲雨霽輕涼，足殘照短纖紅，續漸雲遮。
津口煙黏山麓，涼月照人心似水，此身擬向清虛蹴記。
廣寒庭畔素衣中，曾相熟。

御選歷代詩餘卷五十六

欽定四庫全書

集部

御選歷代詩餘卷五十七

詳校官中書_臣潘有為

侍讀_臣孫球覆勘

總校官進士_臣朱鈐

校對官學政_臣翁樹棠

謄錄監生_臣劉禮

欽定四庫全書

御選歷代詩餘卷五十七目錄

起九十四字
至九十五字

六么令

晏幾道 三首

柳永

賀鑄

周邦彥

辛棄疾 二首

方千里

吳文英

周密
二首

陳允平

李琳

王漏遲

宋祁

程垓

吳文英

二首

周密

張炎

何夢桂

元好問

劉因

張翥

白樸

欽定四庫全書

御選歷代詩餘
卷五十七目錄

二

張埜

劉基

無名氏

尾犯

秦觀

趙以夫

吳文英

滿江紅又一體

杜衍

前調 又一體

蘇軾 二首

李嬰

前調 又一體

辛棄疾

前調 又一體

趙鼎

欽定四庫全書

御選歷代詩餘
卷五十七目錄

李昴英

應天長

又一體

柳永

葉夢得

無名氏

漢宮春

又一體

彭元遜

金浮圖

尹鶚

傾杯樂

柳永

留客住

周邦彥

淒涼犯 又一體

張炎 二首

露華 又一體

王沂孫

張炎

雪明鵲鵲夜

宋徽宗

天香

毛滂

步月

施岳

玉連環 又一體

馮艾子

徵招

彭元遜

一枝春

周密 二首

張炎

張翥

無名氏

江南好 又一體

吳文英

雪梅香

柳永

惜秋華 又一體

吳文英

芙蓉月

趙以夫

古香慢

吳文英

紅情

柳永

掃花遊

又一體

周邦彥

楊无咎

方千里

楊澤民

吳文英

五首

陳允平

王沂孫

三首

張炎

二首

張翥

邵亨貞

張半湖

御選歷代詩餘卷五十七目錄

欽定四庫全書

御選歷代詩餘卷五十七

起九十四字
至九十五字

司經局洗馬掌局事兼翰林院修撰加二級臣王奕清奉

旨校刊

六么令

一名綠腰一名錄要一名樂世雙調九十四字楊慎謂義取六博么即臬也按碧雞漫志載六么名綠腰吐番傳曰秦涼州六么雜曲琵琶錄曰綠腰本錄要也樂工進曲令錄其要者唐人詩琵琶先採六么頭逡巡彈得六么徹六么水調家家唱宋人詞亦云六么催拍盞頻傳貪看六么花十八皆

於楊慎說
無涉也

六么令

晏幾道

綠陰春盡飛絮遶香閣晚來翠眉宮樣巧把遠山學一寸狂心未說已向橫波覺畫簾遮匝新翻曲妙暗許閒人帶偷掐前度書多隱語意淺愁難答昨夜詩有回文韻險還慵押都待笙歌散了記取留時霎不消紅蠟閒雲歸後月在庭花舊闌角

前調

晏幾道

雪殘風信悠颺春消息天涯倚樓新恨楊柳幾絲碧還是南雲鴈少錦字無端的寶釵瑤席彩絃聲裏操作尊前未歸客遙想疎梅此際月底香英拆別後誰遠前溪手揀繁枝摘莫道傷高恨遠付與臨風笛儘堪愁寂花時往事更有多情箇人憶

前調

晏幾道

日高春睡喚起嬾妝束年年花落時候慣得春眠足學唱宮梅便好更暎銀笙逐黛蛾低綠堪教一恨却似江

南舊時曲 常記東樓夜雪翠幙遮紅燭還是芳酒杯
中一醉光陰促曾笑陽臺夢短無計憐香玉此歡難續
乞求歌罷借取歸雲畫堂宿

前調

柳永

澹煙殘照搖曳溪光碧溪邊淺桃深杏迤邐探春色昨
夜扁舟泊處枕簟當灘磧波聲漁笛驚回好夢夢裏欲
歸歸不得展轉翻成無寐因此傷行役思念多媚多
嬌咫尺千山隔都為深情密愛不忍輕離拆好天良夕

駕幃寂靜算得也應暗思憶

前調

賀鑄

夢雲蕭散簾捲畫堂曉殘熏燼蠟隱映綺席金壺倒塵
送行鞭裊裊醉指長安道波平天渺蘭舟欲上回首離
愁滿芳草已恨歸期不早枉負狂年少無奈風月多
情此去應相笑心記新聲縹緲翻足相思調明年春早
宛溪楊柳依舊青青為誰好

前調

重陽

周邦彥

快風收雨亭館清殘燠池光靜橫秋影岸柳如新沐聞
道宜城酒美昨日新醅熟輕鑣相逐衝泥策馬來折東
籬半開菊華堂花艷對列一一驚郎目歌韻巧共泉
聲間雜琤琤玉惆悵周郎已老莫唱當時曲幽歡難卜
明年誰健更把茱萸再三囑

前調

送陸德隆
侍親東歸

辛棄疾

酒羣花隊攀得短轅折誰憐故山歸夢千里尊羹滑便
整松江一棹檢點能言鴨故人欲接醉懷霜橘墮地金

圓醒時覺 長喜劉郎馬上肯聽詩書說誰對叔子風
流直把曹劉壓更看君侯事業不負平生學離腸愁怯
送君歸後細寫茶經煮香雪

前調

用前韻

辛棄疾

倒冠一笑華髮玉簪折陽關自來淒斷却怪歌聲滑放
浪兒童歸舍莫惱比鄰鴨水連山接看君歸興如醉中
醒夢中覺 江上吳儂問我一一煩君說忍使尊酒頻
空賸欠珍珠壓手把漁竿未穩長向滄浪學問愁誰怯

可堪楊柳先作東風滿城雪

前調

方千里

照人明豔肌雪消繁燠嬌雲慢垂柔領紺髮濃於沐微
暈紅潮一線拂向桃腮熟羣芳難逐天香國豔恰比春
蘭共秋菊當時相見恨晚彼此縈心目別後空憶仙
姿路隔吹簫玉何處闌干十二縹緲陽臺曲佳期重卜
都將離恨揅與尊前細留囑

前調

七夕

吳文英

露蛩初響機杼還催織婺星為情慵懶竚立明河側不
見津頭艇子望絕南飛翼雲梁千尺塵緣一點回首西
風又陳迹那知天上計拙乞巧樓南北瓜果幾度淒
涼寂寞羅池客人自回廊縹緲誰見金釵擘今夕何夕
杯殘月墮但耿銀河橫天碧

前調

雪

周密

癡雲翦素檐滴夜深悄銀城飛捷翠隴占瑞豐年報白
戰清吟未了寒鵲爭枝曉鶴迷華表山陰醉臥今日何

人問安道 交映虛牕淨沼不許遊塵到誰念絮帽茸
裘歎幼安今老玉鑑修眉未埽白雪詞新草冰蟾光皎
梅心香動閒看春風上瓊島

前調

春雪

周密

迴風帶雨凍蕊漏聲悄小牕照影虛白幾悞鄰雞報千
樹夭桃綻了鵲立通明曉眼空八表宮袍帶月醉裏應
迷灞陵道 風靜瓊林翠沼片片隨春到吟鶉十里新
堤怪四山青老玉唾珠塵怕埽句冷池塘草白天寒皎

飛瓊何在夢覺梨雲度仙島

前調

重陽

陳允平

授衣時節猶未定寒燠長空雨收雲霽湛碧秋容沐還
是鱸肥蟹美橡栗村村熟不堪追逐龍山夢遠惆悵田
園自黃菊醉中還念倦旅觸景傷心目羞破帽把茱
萸更憶尊前玉愁立梧桐影下月轉迴廊曲歸期將卜
西風吹鴈嬾寄斜封但相囑

前調

京中
清明

李琳

澹煙疎雨香徑渺啼鴂新晴畫簾閒捲燕外寒猶力依
約天涯芳草染得春風碧人間陳迹斜陽今古幾縷遊
絲趁飛蝶却向尊前起舞又覺春如客翠袖折取嬌
紅笑與簪華髮回首青山一點檐外寒雲疊梨花澹白
柳花飛絮夢繞闌干一株雪

玉漏遲

雙調九
十四字

玉漏遲

宋 祁

杏香消散盡須知自昔都門春早燕子來時繡陌亂鋪
芳草蕙圃妖桃過雨弄笑臉紅篩碧沼深院悄綠楊巷
陌鶯聲爭巧 早是賦得多情更遇酒臨花鎮辜歡笑
數曲闌干故國謾勞凝眺漠外微雲盡處亂峰鎖一竿
殘照問琅玕東風淚零多少

前調

程垓

一春渾不見那堪又是花飛時節忍對危闌數曲暮雲
千疊門外星星柳眼看誰是當時風月愁萬結憑誰為

我殷勤低說 不是慣却春心奈新燕傳情舊鶯饒舌
冷篆餘香莫放等閒消歇縱使繁紅褪盡猶自有酴醾
堪折魂夢切不耐飛來蝴蝶

前調

吳文英

絮花寒食路晴絲罥日綠陰吹霧客帽欺風愁滿畫船
煙浦綵挂秋千散後悵塵鎖燕簾鶯戶從間阻夢雲無
準鬢霜如許 夜久繡閣藏嬌記掩扇傳歌翦燈留語
月約星期細把花鬢頻數彈指一襟怨恨漫空倩啼鵲

聲訴深院宇黃昏杏花微雨

前調 中秋

吳文英

鴈邊風信小飛瓊望杳碧雲先晚露冷闌干定怯藕絲
冰腕淨洗浮雲片玉勝花影春燈相亂秦鏡滿素娥未
肯分秋一半 每圓處即良宵甚此夕偏饒對歌臨怨
萬里嬋娟幾許霧屏雲幔孤兔淒涼照水曉風起銀河
西轉摩淚眼瑤臺夢回人遠

前調

題吳夢鶴霜
花腴詞集

周密

老來歡意少錦鯨騎去紫簫聲杳怕展金匳依舊故人
懷抱猶想烏絲醉墨驚醉語香紅圍繞閒自笑與君共
是承平年少雨牕夢短難憑是幾度宮商幾番吟嘯
淚眼東風回首四橋煙草載酒倦遊何處已換却花間
啼鳥春恨悄天涯暮雲殘照

前調

張炎

竹多塵自埽幽通徑曲禪房深窈空翠吹衣坐對閒雲
舒嘯寒木猶懸故葉又過了一番殘照經院悄詩夢正

迷獨憐衰草 幽趣盡屬閒僧
渾未識人間落花啼鳥
呼酒凭高莫問四愁三笑
可惜秦山晉水甚却向此
時登眺清致少那更好游
人老

前調

梅

何夢桂

問春先開未江南野水得
春初小獨殿羣芳卻道花
前開早長苦冰霜壓盡更
說甚風標清窈些子好孤
香冷豔有誰知道 年年吹
落還開聽畫角樓頭送他
昏曉何處玉堂滿地蒼苔
不埽誰是肝腸鐵石與共
說歲寒

懷抱花未老無奈酒闌情好

前調

元好問

浙江歸路杳西南却羨投林高鳥升斗微官世累苦相
縈繞不如麒麟畫裏又不與巢由同調時自笑虛名負
我平生吟嘯擾擾馬足車塵被歲月無情暗消年少
鐘鼎山林一事幾時曾了四壁秋蟲夜雨更一點殘燈
斜照清鏡曉白髮又添多少

前調

泛舟
東溪

劉因

故園平似掌人生何必武陵溪上三尺蓑衣遮斷紅塵
千丈不似東山高卧也不似鹿門長往君試望遠山顰
處白雲無恙且唱一曲漁歌當無復當年缺壺悲壯
老境羲皇換盡平生豪爽天設四時佳興要留待幽人
清賞花又放滿意一篙春浪

前調

春日
有懷

張翥

病懷因酒惱依稀夢裏吳娃嬌小金縷歌殘人去月斜
雲杳怕見棲香燕晚又怕聽啼花鶯曉庭院悄生衣欲

試風寒猶峭 窈窕青粉墻低送影過秋千驀然閒笑
半朵棠梨微露鳳釵紅嫋近日琴心倦寫更遠信西沉
青鳥虛負了花月一春多少

前調

白樸

碧梧深院悄清明過也秋千闌了楊柳陰中又是一番
啼鳥人去瑤臺路遠辜負却花前歡笑音信杳西樓盡
日凭闌凝眺 縹緲霧閣雲牕恨夢斷青鸞夜深寒峭
檐玉敲殘捱得五更風小麝炷金猊燼冷畫燭短銀屏

空照芳徑曉惆悵落紅多少

前調

張堃

桂香浮綠酒持杯邀月何殊佳友欲寫秋光鈍筆近來
如帚空對珠宮貝闕恍夜色明於晴晝休憶舊人情節
意年年同否浪走紫陌紅塵笑底用腰間印金懸斗
鷺約鷗盟江上怪余應久便有挈雲手在向此夕何妨
深袖沈醉後忘却鏡中白首

前調

初夏

劉基

海榴花似火看看又見麥秋時候枝上鳴蜩斷續一庭
金奏翠沼風漪未定看葉底明珠圓溜苔徑黝鰕鬚掛
處有人消瘦 緬想那日歡娛是鴻鴈來初芙蓉開後
蔓草青蕪但覺暗愁依舊欲把相思寄與霧煙慘不堪
回首凝望久寒鴉自啼疎柳

前調

無名氏

驚鴉翻暗葉桐花墜露曲房新曉蠟炬香籠準備惜花
起早翠沼微晴水活呵素手襯妝初了香徑小溶溶波

暖正宜臨眺 誰信造物無私偏
付與容華稱嘖宜笑
更況花朝日日霽多陰
少不惜千金費盡但惜取數峰
殘照歸騎香縱醉可眠芳草

尾犯

一名碧芙蓉雙
調九十四字

尾犯 九日

秦觀

客裏遇重陽孤館一杯聊賞佳節
日暖天晴喜秋光清
絕霜乍降寒山凝紫霧初消
澍潭皎潔闌干閒倚庭院

無人顛倒飄黃葉 故園當此際遙想弟兄羅列攜酒
登高把茱萸簪徹歎籠鳥羈蹤難去望征鴻歸心漫切
長吟抱膝就中深意憑誰說

前調

九日

趙以夫

長嘯躡高寒回首萬山空翠零亂縹緲清秋與斜陽天
遠引光祿清吟興動憶龍山舊游夢斷袂衣初試破帽
多情自笑霜蓬短 黃花長好在俛仰節物驚換紫蟹
青橙覓東籬幽伴感今古風淒霜冷想關河煙昏月澹

舉杯相屬殷勤更把茱萸看

前調

贈浪翁重
客吳門

吳文英

翠被落紅妝流水膩香猶共吳越十載江楓冷霜波成
纈燈院靚涼花乍翦桂園深幽香旋折醉雲吹散晚樹
細蟬時替離歌咽長亭曾送客偷賦錦鴈留別淚接
孤城渺平蕪煙闊半菱鏡青門重售採香堤秋蘭共結
故人憔悴遠夢越來溪畔月

滿江紅

又一體雙調
九十四字

滿江紅

退寓
南都

杜行

無名無利無榮無辱無煩無惱
夜燈前獨歌獨酌獨吟
獨笑又值羣山初雪滿
又兼明月交光好
便假饒百歲
擬如何從他老
知富貴誰能保
知功業何時了
算算
瓢金玉所爭多少
一瞬光陰何足道
但思行樂常須早
待春來攜酒殢東風
眠芳草

前調

又一體

蘇軾

憂喜相尋風雨過一江春綠巫峽夢至今空有亂山屏
簇何似伯鸞攜德耀簞瓢未礙清歡足漸燦然光彩照
階庭生蘭玉幽夢裏傳心曲腸斷處憑他續文君壻
知否笑君卑辱君不見周南歌漢廣天教夫子休喬木
便相將左手抱琴書雲間宿

前調

東武會
流杯亭

蘇軾

東武南城新堤固漣漪初溢隱隱徧長林高阜卧紅堆
碧枝上殘花吹盡也與君更向江頭覓問向前猶有幾

多春三之一 官裏事何時畢風雨外無多日相將泛
曲水滿城爭出君不見蘭亭修禊事當時座上皆豪逸
到如今修竹滿山陰空陳迹

前調

黃州上
東坡

李 嬰

荆楚風煙寂寞近中秋時候露下冷蘭英將謝葦花初
秀歸燕殷勤辭巷陌鳴蛩淒楚來牕牖又誰念江邊有
神仙飄零久 橫琴膝攜筇手曠望眼閒吟口抵紛紛
萬事到頭何有君不見凌煙冠劍客何人氣貌長依舊

歸去來一曲為君吟為君壽

前調

又一體

辛棄疾

點火櫻桃照一架茶蘼如雪春正好見龍孫穿破紫苔
蒼壁乳燕引雛飛力弱流鶯喚友嬌聲怯問春歸不肯
帶愁歸腸千結層樓望春山疊家何在煙波隔把古
今遺恨向他誰說蝴蝶不傳千里夢子規叫斷三更月
聽聲聲枕上勸人歸歸難得

前調

又一體

趙鼎

慘結秋陰西風送絲絲雨濕凝望眼征鴻幾字暮投沙
磧欲向鄉關何處是水雲浩蕩連南北但修眉一抹有
無中遙山色天涯路江上客腸已斷頭應白空搔首
興歎暮年離隔欲待忘憂除是酒奈酒行有盡愁無極
便挽將江水入尊壘澆胸臆

前調

江西持憲
節登高作

李昴英

薄冷催霜碧空豁飛鴻斜度恰九日御風絕頂下看塵
宇滕閣芳筵牋筆妙龍山勝餞旌旗駐料山靈也要可

人遊成佳趣 吹帽墮羞千古題糕字非吾侶却坐間
著得煮茶桑苧萬里寒雲迷北斗望遠峰夕照頻西顧
且滿浮大白送黃花釵休舞

應天長

又一體雙調九十
四字或多慢字

應天長

柳永

殘蟬聲漸絕 傍碧砌修梧敗葉微脫 風露淒清正是登
高時節 東籬霜乍結 綻金蕊嫩香堪折 聚宴處落帽風

流未饒前拈 把酒與君說恁好景良辰怎忍虛設休
效牛山空對江天凝咽塵勞無暫歇遇良會剩偷懽悅
歌未闕杯興方濃莫便中輟

前調

自潁上
縣還

葉夢得

松陵秋已老正柳岸田家酒醅初熟鱸膾蓴羹萬里水
天相續扁舟臨浩渺寄一葉暮濤吞沃青簫笠西塞山
前自翻新曲 來往未應足便細雨斜風有誰拘束陶
寫中年何待更須絲竹鴟夷千古意算入手比來尤速

最好是千點雲峰半篙潄綠

前調

無名氏

雕鞍成謾駐望斷也不歸院深天暮倚徧舊日曾共凭
肩門戶踏青何處所想醉拍春衫歌舞征旆舉一步紅
塵一步回顧行行愁獨語想媚容今宵怨郎不住來
為相思却又空將愁去人生無定據歎後會不知何處
愁萬縷憑仗東風和淚吹與

漢宮春

又一體雙調

九十四字

漢宮春

元夕

彭元遜

十日春風又一番調弄怕暖愁陰夜來風雨搖得楊柳
黃深熏篝未斷夢舊寒淺醉同衾便是闌燈見月看花
對酒驚心攜手滿身花影香霏冉冉露濕羅襟笙歌
殢人歸去回首沈沈人間此夜誤春光一刻千金明日
問紅巾青鳥蒼苔自拾遺簪

金浮圖

雙調九十四字漢桓帝
鑄黃金浮圖調名取此

金浮圖

尹鶚

繁華地王孫富貴玳瑁筵開下朝無事壓紅裯鳳舞黃
金翅玉立纖腰一片揭天歌吹滿目綺羅珠翠和風淡
蕩偷散沈檀氣堪判醉韶光正媚折盡牡丹豔迷人
意金張許史應難比貪戀歡娛不覺金烏墜還惜會難
別易金船更勸勒住花驄轡

傾杯樂

雙調九十四字唐太宗內宴詔長孫無忌造傾杯曲明皇有馬舞傾杯數十曲宣宗喜吹蘆管自製傾杯樂皆唐樂府也調名始此

傾杯樂

柳永

樓鎖輕煙水橫斜照遙山半隱愁碧片帆岸遠行客路
杳簇一天寒色野梅映雪數枝豔報青春消息年華夢
促音信斷聲遠飛鴻南北算伊別來無緒翠消紅減
雙帶長拋擲但淚眼沈迷看朱成碧惹閒愁堆積雨意
雲心酒情花態辜負高陽客

留客住

雙調九

十四字

留客住

周邦彥

嗟烏兔正茫茫相催無定只恁東生西沒平均寒暑昨
見花紅柳綠處處林茂又覩霜前籬畔菊散餘香看看
又還秋暮忍思慮念古往賢愚終歸何處爭似高堂
日夜笙歌齊舉選甚連宵徹晝再三留住待擬沈醉扶
上馬怎生向主人未肯教去

淒涼犯

又一體雙調
九十四字

淒涼犯

北京道
中寄懷

張炎

蕭疎野柳嘶寒馬
蘆花深處見游獵
山勢北來甚時曾
到醉魂飛越酸風
自咽擁吟鼻征衣
暗裂正淒迷天涯
羈旅不似灞橋雪
誰念而今老嬾賦
長楊倦懷休說
空憐斷梗夢依依
歲華輕別待擊歌
壺怕如意和冰凍
折且行行平沙萬
里盡是月

前調

張炎

西風暗翦荷衣碎有柔絲不解重緝荒煙斷浦晴暉歷
亂半江搖碧悠悠望極忍獨聽秋聲漸急更憐他柳髮
蕭條相與動愁色老態今如此猶自留連醉筇遊屐
不堪瘦影渺天涯儘成行客因甚忘歸漫吹裂山陽夜
笛夢三十六陂流水去未得

露華

又一體雙調
九十四字

露華

碧桃

王沂孫

晚寒竚立記鉛輕黛淺初認冰魂碧羅襯玉猶凝茸唾
香痕淨洗妒春顏色勝小紅臨水湔裙煙渡遠應憐舊
曲換葉移根 山中去年人別怪月悄風輕閒掩重門
瓊肌瘦損那堪燕子黃昏幾片過溪浮玉似夜歸深雪
前村芳夢冷雙禽悞宿粉雲

前調

碧桃

張炎

亂紅自雨正翠蹊誤曉玉洞明春蛾眉淡埽背風不語

盈盈莫恨小溪流水引劉郎不是飛瓊羅扇底從教淨
冶遠障歌塵一掬瑩然生意伴壓架餘釀相惱芳吟
玄都觀裏幾回錯認梨雲花下可憐仙子醉東風猶自
吹笙殘照晚漁翁正迷武陵

雪明鷓鴣夜

雙調九
十四字

雪明鷓鴣夜

宋徽宗

望五雲多處春深開闥苑別就蓬島正梅雪韻清桂月

光皎鳳帳龍簾縈嫩風御座深翠金間繞半天中香泛
千花燈掛百寶聖時觀風重臘有簫鼓沸空錦繡匝
道競呼盧氣貫調歡笑袖裏金錢擲下來侍宴歌太平
睿藻願年年此際迎春不老

天香

雙調九
十四字

天香

宴錢塘
張守

毛滂

進止詳華文章爾雅金鑾恩異羣彥塵斷銀臺天低黿

禁最是玉皇香案燕公視草星斗動昭回雲漢對罷宵
分又金蓮燭引歸院 年來偃藩江畔賴湖山慰公心
眼碧瓦千家借袴襦餘暝黃氣珠庭漸滿望紅日長安
殊不遠緩轡端門青春未晚

步月

雙調九
十四字

步月 茉莉

施岳

玉宇薰風寶堦明月翠叢萬點晴雪煉霜不就散廣寒

飛眉采珠蓓綠萼露滋嗔銀豔小蓮冰潔花魂在纖指
嫩痕素英重結 枝頭香未絕還是過中秋丹桂時節
醉鄉冷境怕翻成消歇翫芳味春焙旋熏貯穠韻水沈
頻爇堪憐處輸與夜涼睡蝶

玉連環

又一體雙調
九十四字

玉連環

懷李
謫仙

馮艾子

謫仙往矣問當年飲中儔侶於今誰在歎沈香醉夢華

清夜月流浪錦袍宮帶高吟三峽動舞劍九州隘玉皇
歸覲半空遺下詩囊酒佩雲月仰挹清芬攬虬鬚尚
友千載晉宋顏波義皇春夢尊前一慨待相將共躡龍
肩鯨背海山何處五雲轂

徵招

雙調九
十四字

徵招

和煥甫秋聲
道行路難意

彭元遜

人間無欠秋風處偏到霜痕月杪細雨船篷日夜風波

未了忽潮生海立又天濶江清欲曉孤迴幽深激揚悲
壯浮沈浩渺行路古來難貂裘敝匹馬關山人老錦
字未成寒到君邊書到夢倚門回首兒女燈前娛笑早
斟酌萬里封侯寶鏡遲霜照

一枝春

雙調九十四字義
取聊折一枝春也

一枝春
酒邊聞歌
和寄聞韶

周密

淡碧春姿柳眠醒似怯朝來疎雨芳程乍數喚起探花

情緒東風尚淺甚先有翠嬌紅嫵應自把羅綺圍春占
得畫屏春聚 留連繡叢深處動歌雲嫋嫋低隨香縷
瓊牕夜暖試與細評新譜妝眉媚粉料無奈弄顰佯妒
還怕是簾外籠鸚笑人醉語

前調

春晚又
和韻

周密

簾影移陰杏籬寒乍濕西園絲雨芳期暗數又是去年
心緒金花漫翦倩誰畫舊時眉嫵空自傷楊柳風流淚
滴軟綃紅聚 羅牕那回歌處歎庭花倦舞香消冰縷

樓空燕冷碎錦嬾尋底譜么絃漫賦曾記是倚嬌成妒
深院悄門掩梨花倩鶯寄語

前調

為陸浩
齋賦梅

張炎

竹外橫枝竝闌干試數風纔一信么禽對語彷彿醉眠
初醒遙知是雪甚都把暮寒消盡清更潤明月飛來瘦
却舊時疎影東閣漫撩詩興料西湖樹老難認和靖
晴牕自好勝事每來獨領融融向暖笑塵世萬花猶冷
須釀成一點春腴暗香在鼎

前調

鬧蛾

張翥

霧翅煙鬚向雲牕闌巧宮羅輕翦翩翩鬚影側映寶釵
雙燕銀絲蠟帶弄春色一枝嬌顫誰網得金玉飛錢結
成翠羞紅怨燈街上元又見鬧春風簇定冠兒爭轉
偷香傳粉尚憶去年人面妝樓誤約定何處為花留戀
應化作曉夢尋郎採芳徑遠

前調

守歲

無名氏

竹爆驚春競喧闌夜起千門蕭鼓流蘇帳暖翠鼎緩騰

香霧停杯未舉，奈剛要送年新句。應自賞歌字清圓未
誇上林鶯語。從他歲窮日暮，縱閒愁怎減。劉郎風度
屠蘇辦了，迤邐柳欺梅妒。宮壺未曉，早嬌馬繡車盈路。
還又把月夕花朝，自今細數。

江南好

又一體雙調
九十四字

江南好

吳文英

行錦歸來畫眉添，嫵暗塵重拂雕籠。穩瓶泉暖花隘闌。

春容圍密籠香暝靄煩纖手新點團龍溫柔處垂楊驛
髻映立花紅行藏多是客鶯邊話別橘下相逢算江
湖幽夢頻繞殘鐘好結蓀兄梅弟莫輕似西燕南鴻偏
宜醉寒欺酒力簾外凍雲重

雪梅香

雙調九
十四字

雪梅香

柳永

景蕭索危樓獨立面晴空動悲秋情緒當時宋玉應同

漁市孤煙裊寒碧水村殘葉舞愁紅楚天濶浪浸斜陽
千里溶溶 臨風想佳麗別後愁顏鎮斂眉峰可惜當
年頓乖雨迹雲蹤雅態妍姿正歡洽落花流水忽西東
無憀恨相思意盡分付征鴻

惜秋華

又一體雙調
九十四字

惜秋華

八月飛翼
樓登高

吳文英

思渺西風悵行蹤浪逐南飛高鴈怯上翠微危樓更堪

凭晚蓬萊對起幽雲澹楚色山容乍捲清淺瞰滄波靜
銜秋痕一線十載寄吳苑慣東籬深處把露黃偷翦
移暮景照越鏡意消香斷秋娥賦得閒情倚翠尊小眉
初展深勸待明朝醉巾重岸

芙蓉月

雙調九
十四字

芙蓉月 本意

趙以夫

黃葉舞空碧臨水處照眼紅葩齊吐柔情媚態竚立西

風如訴遙想仙家城闕十萬綠衣童女雲縹緲玉娉婷
隱隱彩鸞飛舞尊前更風度記天香國色曾占春暮
依然好在還伴清霜涼露一曲闌干敲徧悄無語空相
顧殘月澹酒闌時滿城鐘鼓

古香慢

雙調九
十四字

古香慢

滄浪
看桂

吳文英

怨蛾墜柳離佩搖蕙霜訊南浦謾掩橋扉倚竹袖寒日

暮還問月中游夢飛過金風翠羽把殘雲刺水萬頃暗
熏冷麝淒苦漸浩渺凌山高處秋澹無光殘照誰主
露粟侵肌夜約羽林輕誤翦碎惜秋心更腸斷珠塵蘚
露怕重陽又催近滿城風雨

紅情

雙調九十四字姜夔作暗香疎影後人名為紅情
綠意柳永集則號此為紅情與姜詞亦不同也

紅情 荷花

柳永

無邊香色記涉江自采錦亭雲密翦翦紅衣學舞波心

舊曾識一見依然自語流水遠幾回空憶看倒影窺妝
玉潤露痕濕閒立翠屏側愛向人弄芳背酣斜日料
應太液三十六宮土花碧清興臨風更與無數滿汀如
昔泛片葉煙浪裏卧橫紫笛

埽花遊

又一體雙調
九十五字

埽花遊

周邦彥

曉陰翳日正霧靄煙橫遠迷平楚暗黃萬縷聽鳴禽按

曲小腰欲舞細遶回堤駐馬河橋避雨信流去問一葉
怨題今到何處春事能幾許任占地持杯埽花尋路
淚珠濺俎歎將愁度日病傷幽素恨入金徽見說文君
更苦黯凝竚掩重關偏城鐘鼓

前調

次周美
成韻

楊无咎

乳鶯轉午好夢正初醒小軒清楚水沈細縷趁游絲落
絮緩隨風舞胃起春心又是愁雲怨雨玉人去徧徙倚
舊時曾竝肩處相望知幾許縱遠隔雲山不遮愁路

捧杯薦俎記低歌麗曲共論心素薄恨斜陽不道離情
最苦正凝竚向譙樓又催笳鼓

前調

次周美成韻

方千里

野亭話別恨露草芊絳曉風酸楚怨絲恨縷正楊花碎
玉滿城雪舞耿耿無言暗灑闌干淚雨片帆去縱百種
避愁愁早知處離思都幾許但漸慣征塵斗迷歸路
亂山似俎更重江浪蕩易沉書素瞪目銷魂自覺孤吟
調苦小留竚隔前村數聲簫鼓

前調

次周美
成韻

楊澤民

素秋漸老正葉落吳江鴈橫南楚暮霞散縷聽寒蟬斷
續亂鴉飛舞客舍淒清那更西風送雨又東去過野店
小橋都在元處 心事天未許似誤出桃源再尋仙路
去年燕俎記芳腮妒李細腰束素事沒雙全自古瓜甜
蒂苦欲停斂奈江頭早催行鼓

前調

春游
遇雨

吳文英

冷空澹碧帶翳柳輕雲護花深霧豔晨易午正笙簫競

波綺羅爭路驟捲風埃半掩長蛾翠嫵散絲縷漸紅濕
杏泥愁燕無語 乘蓋爭避處就珮解旗亭故人相遇
恨春太妒濺仙裙更惜鳳鈎塵污酹入梅根萬點啼痕
暗樹峭寒暮更蕭蕭隴頭人去

前調

春雪

吳文英

水雲共色漸斷岸飛花雨聲初峭步帷素裊想玉人誤
惜章臺春老岫歛愁蛾半洗鉛華未曉樣輕棹似山陰
夜晴乘興初到 心事春縹緲記徧地梨花弄月斜照

舊時聞草恨凌波路狹小庭深窈凍蕊瓊簫漸入東風
郢調暖回早醉西園亂紅休埽

前調

贈芸隱

吳文英

草生夢碧正燕子簾幃影遲春午倦茶薦乳看風籤亂
葉老沙昏雨古簡蟬篇種得雲根療蠹最清楚帶明月
自鋤花外幽圃醒眼看醉舞到應事無心與閒同趣
小山有語恨逋仙占却暗香吟賦暖逼書牀帶草春搖
翠露未歸去正長安軟紅如霧

欽定四庫全書

御選歷代詩餘
卷五十七

三十一

前調 送春

吳文英

水園沁碧驟夜雨飄紅竟空林鳥豔春過了有塵香墜
鈿尚遺芳草步遶新陰漸覺交枝逕小醉深窈愛綠葉
翠圓勝看花好 芳架雪未埽怪翠被佳人困迷清曉
柳絲繫棹問閭門自古送春多少倦蝶慵飛故撲簪花
破帽酹殘照掩重城暮鐘不到

前調

賦瑤圃萬
象皆春堂

吳文英

暖波映日倒秀影秦山曉鬟梳洗步帷豔綺正梁園未

雪海棠猶睡藉綠盛紅怕委天香到地畫船繫舞西湖
暗黃虹卧新霽天夢春枕被和鳳筑東風宴歌曲水
海宮對起燦驪光乍濕杏梁雲氣夜色瑤臺禁蠟初傳
翡翠喚春醉問人間幾番桃李

前調

次周美
成韻

陳允平

蕙風颺暖漸草色分吳柳陰迷楚寸心似縷看窺簾燕
妥妒花蝶舞翦翦愁紅萬點輕飄淚雨怕春去問杜宇
喚春歸去何處後期重細許倩落絮飛煙障春歸路

欽定四庫全書

御選歷代詩餘
卷五十七

三十一

長亭別俎對歌塵舞地暗傷蠻素算得相思比著傷春
又苦正凭竚聽殘陽斷橋簫鼓

前調

秋聲

王沂孫

商飈乍發漸淅淅初聞蕭蕭還住頓驚倦旅背青燈弔
影起吟愁賦斷續無憑試立荒庭聽取在何許但落葉
滿階惟有高樹迢迢歸夢阻正老耳難禁病懷淒楚
故山院宇想邊鴻孤唳砌蟲私語數點相和更著芭蕉
細雨避無處這閒愁夜深尤苦

前調

王沂孫

捲簾翠濕過幾陣殘寒幾番風雨問春住否但匆匆暗裏換將花去亂碧迷人總是江南舊樹漫凝竚念昔日采香人更何許芳徑攜酒處又陰得青青嫩苔無數故林晚步想參差漸滿野塘山路倦枕閒牀正好微醺院宇送淒楚怕涼聲又催秋暮

前調

綠陰

王沂孫

滿庭嫩碧漸密葉迷窓亂枝交路斷紅灑處但匆匆換

卷五十一
得翠痕無數暗影沈沈靜鎖清和院宇試凝竚怕一點
舊香猶在幽樹濃陰知幾許且拂簾清眠引筇閒步
杜郎老去算尋芳較晚倦懷難賦縱勝花時到了愁風
怨雨短亭暮漫青青怎遮春去

前調

賦高疎寮
東墅園

張炎

煙霞萬壑記曲徑幽尋霽痕初曉綠牕窈窕看隨花甃
石就泉通沼幾日不來一片蒼雲未埽自長嘯悵喬木
荒涼都是殘照碧天秋浩渺聽虛籟泠泠飛下孤峭

山空翠老步仙風怕有采芝人到野色間門芳草不除
更好境深悄比斜川又清多少

前調

台城春飲
醉餘偶賦

張炎

嫩寒禁暖正草色侵衣野光如洗去城數里遶長堤是
柳釣船深樣小立斜陽試數花風第幾間春意待留取
斷紅心事難寄芳信成撚指甚遠客他鄉老懷如此
醉餘夢裏尚分明認得舊時羅綺可惜空簾悞却歸來
燕子勝遊地想依然斷橋流水

前調 落紅

張翥

洗春雨急碎萬點胭脂蕩空無影館娃骨冷悵香銷塵
土淚殷玉井莫怨東風自古佳人薄命掩鸞鏡縱補得
茜癥妝壞難整芳事誰管領但蜜膩蜂房蘚斑鴛徑
一簾晝永綠陰陰尚有絳霞痕凝綵筆招魂已是繁華
夢醒竚芳景換西湖錦雲千頃

前調

邵亨貞

柳花巷陌悄不見銅駝采香芳侶畫樓在否幾東風怨


笛凭闌日暮一片閒情尚繞斜陽錦樹黯無語記花外
馬嘶曾送人去風景長暗度奈好夢微茫豔懷清苦
後期已悞翦燭花未卜故人来處水驛相逢待說當年
恨賦寄愁與鳳城東舊時行旅

前調

張半湖

柳絲曳綠正豆雨初晴水天清夏石榴綻也看猩紅萬
點倚亭敲榭瑣闥深中料想酒闌歌罷日將下是那處
藕花香勝沈麝
牕外竹聲打似戛玉敲金送聲瀟灑

共觀古畫喚石鼎烹茶細商幽話寶鴨香銷天外新蟾
低掛涼無價又丁東數聲檐馬



御選歷代詩餘卷五十七